

桂平縣志卷四

紀地

山川上

凡民性風俗學術生計皆因於地理而尤以山川所繫爲切攷禹貢每述某州必以某山某水爲界其例最古今按縣內河流多山嶺立名村墟亦多以山水取號亦猶行古之道也然則欲周知居民情狀以資敷政舍是奚由哉昔爾雅之興山川立爲專篇周官之制山川設有專職史記著河渠之書桑欽有水經之作及郭璞著經專名山海自是作者繼起益以山川爲重今沿舊詳叙非徒以供詞人馮眺資料而已

桂平縣志卷四

紀地 山川上

粵東編譯公司承印

山

凡山嶺石巖洞坪俱入此篇

舊志叙此分方排列實本山海經舊例惜采訪太簡府志稍詳而凌亂無次今合舊志府志並訪冊所報校而錄之仍依舊志序次更逐方標目醒觀關隘險要別爲他卷

西方諸山

西山 一名思靈山靈水出焉靈或作陵在城西五里故名西山宋以前縣城居此山形上銳下廣蟠根數里如荷葉倒蓋又若巨網自空中倒撒復若大人端坐左右張手於椅欄也城西諸山以十數體狀向背各別獨此山儀度端正東與西門相值馬來山側立右背有如輔相北山自左肩後伸出

如椅屏半露東則木魚嶺橫拱山麓南則雞翼山胡蝶嶺從列待命北則福船嶺橫拖於左麓咸若爲此山指揮故舊志以爲郡之主山而城內文武公廨府縣文廟學校書院皆坐西向東而以此山爲枕焉路徑出自西門入桂山村踰官橋上木魚嶺東過茶亭沿松徑數十武稍南羣卉交映綠陰滿天蒙蒼荒翳露小石橋西折有石級穿林罅入山門平岡斜衍南壑北澗佳境漸開又數十武爲唐李御史祠祠三進內供李明遠像建置始末詳壇廟祠左原有小池蓄水今填植竹樹旁穿小徑出祠後爲洗石庵庵之建置及祠租詳壇廟倚山東向有上中下三座中座上爲文昌樓座右壁閣門外爲廳事東向前

桂平縣志卷肆

紀地 山川上

二

粵東編譯公司承印

有小園花草鮮妍光景優美文昌樓左爲半青閣閣下左眺長林柵立遠處流泉潺潺匯于簷下蓄之以池不事提汲而湯沐浴如右爲妙虛樓樓右外眺高邱叢木壓拂窻簷舊日棲霞亭疑在此處吳府志遺蹟云棲霞亭在西山洗石庵右同治間張榮祖重建從庵右

石級數武折西升老松散佈鱗幹爭騰奇石雜陳俯仰蹲偃欹正殊姿嫩苔枯蘚渲染斑駁蓐草披離畫圖罕有又百餘武密樹遮空叢草填壑炎陽斷隔清泌有聲旁有巨石題碧雲天三字爲此地寫影又南折西向爲龍華寺寺左舊有望鴈亭右有畫亭今遺址已沒寺西北望林石幽翠百步許有姚翁巖爲宋州守姚嗣宗得名今已荒蕪寺內三座中座有

大廳窻向東開前座瓦背樹光浮於戶下人間世遠隔千尋
廳內題聯不少同治間知府魏薦聯云吏隱訪遺蹤半世功
名春夢裡思陵觀夕照萬家煙火晚炊時爲文家傳誦廳上
亦有文昌閣閣左右有房民國六年增建寺上座爲佛殿殿
右爲僧室室前小院右壁有曹秀先遊西山記石刻出寺右
石徑十數武爲乳泉泉清冽如杭州龍井而甘美過之時有
汁噴出白如乳故名乳泉泉上題石有劉公泉三字又有乳
泉二字爲乾隆間潯州知府胡南藩書蓋同爲一泉而今昔
異名也泉前後俱龍王堂舊址今新建亭閣兩處欄檻相映
自龍華寺外至此別有天地並詳泉右石梯上百數級有吏

隱洞廣丈餘爲唐御史李明遠隱居處再上二百餘級爲半
山亭亭已圯柱礎猶存再上四百級爲觀音巖道光四年爲
龍華寺僧盟初所闢閱四歲巖成續有布施者於巖口構小
庵爲僧人香火處架竹引泉沿崖種樹可風可茗而筇屐之
客紛然矣巖口一聯云玉洞天開現大地山河三千世界雲
巖風捲露半空樓閣十二闌干誠茲山勝絕處也蓋本山自
登山門後愈進愈高隨地可以觀遠而不及觀音巖之揚眺
無遺南而白石青峯北而紫荆五指蒼翠濃淡遠橫於六七
十里之外近則黔鬱兩江雙練交映環抱城郭浩浩東注碧
波萬頃光浮脚下於洗石龍華乳泉而外又爲一境蓋樓臺

結構莫如洗石樹影濃陰莫如碧雲泉壑幽趣莫如乳泉而極目千里俯仰天地莫如觀音巖遊者務窮其趣分類玩賞西風既漸競言光線有欲斷龍華寺前各樹以博開眼界者槍父也徒慕幽靜不求世界大觀喜塵寰之隔絕而不升巖縱覽者抑又無志也舊志云此山薄暮陰翳烟景萬千舊以西山晚照爲八景之一乾隆間知縣楊大節詩云鐘裏巒林殘照出空中樓閣暮烟迷或者以爲非然後吳志綰作辨異辨之云孝廉李開葱告予西山當日暮後或半夜自城望半山隱隱有火光如炬故傳邑侯有乍吐輕紅夜有無句府志以罕見疑誣改爲殘陽返照失虛景矣說甚有據乾隆二十

桂平縣志卷肆

紀地 山川上

四

粵東編譯公司承印

八年秋間望後余於署中後院夜二鼓時見西山翠微間有數十火炬如神燈狀由山腰魚貫屈曲漸次上山頂而滅家人驚異予謂此李孝廉所稱真境也三十年秋見山腰有四五火炬如大燈狀須臾滅又與前所見略異云時日去今未久事非無稽故存錄之

附攷

錄府志

思靈山縣西五里一名思陵又名西山

李通志

潯州有思靈山

九域志

秀峙窮窿映帶府城上有三清巖宋

淳化初州守姚嗣宗遊此亦曰姚翁巖有泉曰乳泉卽思

陵水源也

一統志

相傳唐時李御史明遠登此羽化巖有吏隱洞三字宋時

封西山郡王士人禱之輒應李通志

北山 在西山左肩後屬永和里形似半截巨眉橫伸空際

高與西山齊山上有飛來寺山下為覆船嶺山左有路入馮

爺廟經炮竹坪至藍山舊志 夫載

藍山 在縣西二十里西山右背屬永和里西通趙里同樂

塘黃茅嶺等處錄舊志 并補訪

馬來山 又名馬來嶺屬永和里在西山右肩之後近觀狀

如高髻高度與西山彷彿遠視如馬飛騰螺黛接天迥出西

山之上城西峯巒複疊此為最高下有仙人竈舊志 并補訪

桂平縣志卷肆

紀地 山川上

五

粵東編譯公司承印

木魚嶺 在西山前形似木魚故名

雞翼山 在馬來山下當西山之右屬永和里

蝴蝶嶺 在雞翼山下遠當西山之右相距二里許屬永和

里形似蝴蝶展翅故名

石灰嶺 在城西六里蝴蝶嶺之南屬永和里

赤嶺 在縣西八里許居石灰嶺南與新村為鄰屬永和里

石羊山 在縣西二十里為西山右臂山下有烏羊村金通

志云作獅子岡又西十里誤訪 冊

金牌山 在縣西三十里許馬來山之後峰巒秀峙周圍二

十餘里山下有佛子均為西方險要詳關隘據舊志圖 并采訪冊

黃茅嶺 在縣西三十餘里趙里之北界甫里從舊志圖錄

獅子寨 在縣西甫里東南上下有寨脚寨眼寨頭等村東

與趙界界舊志圖

雞冠寨 在縣西三十餘里在甫里東北黃茅嶺之西南從

此折向西北山峯參差重疊不知其名舊志圖

登勾山 在縣西五十里甫里北高大雄偉上有池俗呼仙

女塘廣約二十五畝四時不涸

天平嶺 在縣西五十里屬甫里比登勾山稍低小而秀峙

過之延亘數里

鳳巢山 縣西五十里在甫里北俗名鳳凰山又名鳳凰嶺

桂平縣志卷肆 紀地 山川上 六 粵東編譯公司承印

省志云下有龍潭疑即舊志所言九龍潭以上冊

大望山 在鳳巢山東屬甫里見舊志圖

獅子岡 縣西五十里在甫里西南界厚祿里以形如獅故

名獨流江繞其下象鼻山崎其左

羅容山 在獅子岡東去縣城四十里許舊志并冊

羅影山 縣西七十里在武平東甫里西方輿紀要作五十里

團氣嶺 縣西八十里屬厚祿里界貴縣思籠里延亘二十

餘里舊志無采訪冊

石梯岡 縣西九十里削直如梯故名一統志作石梯山通

武宣舊志云通容縣誤此岡為遠西險要別詳關隘篇

千歲嶺 一名銛翠山縣西一百十里武平里西延亘二十餘里峯巒昂持形如華蓋欲雨則雲繞嶺顛農人以此占晴雨界貴縣北山里舊志無

三巖山 縣西一百二十里武平里西北三峯並峙高峻爲武平諸山冠人跡罕至上產天然茶色味俱佳經宿不變以上訪冊

鷓鷹山 在縣西武平里

譚嶺 在武平里南

思淋 在武平里南

黃思 在武平里東南界貴縣以上見舊志圖

西北諸山

桂平縣志卷肆

紀地 山川上

七

粵東編譯公司承印

大藤峽 縣西北五十里舊志引通志作六十里在紅石磯之下弩灘之上地界永安桂平平南藤縣之間四山環繞綿亘數百里北通羅淥三洞紫荆羅運等三十六巢巖洞以百計而九層樓仙人關三妹洞尤險沙灣兩岸間江水激駛向有藤大如斗勢若徒杠晝沉夜浮猺賊渡以行劫徑通龍山八寨明成化間襄毅伯韓雍斬之名斷藤峽置武靖州及東鄉龍山巡檢司正德間御史陳金更名永通峽嘉靖間諸猺復流劫潯梧文成公王守仁合師征之其後峽賊侯勝海等又滋事督臣蔡經討平之凡三興大役而後底定府志明徐祖有大藤峽遊記及韓雍程敏政董傳策王守仁沈明臣邱濬

各家詩歌詳紀文

按邑內西北方諸山復雜重疊統系難分多在藤峽內外

附攷 錄府志

永通峽一名斷藤峽民謠曰昔永通今不通求不得葬江中誰其作者噫陳公按即都御史陳公金也 名勝志

大藤峽在西北六十里紅石磯之下弩灘之上北通羅浮三洞紫荆羅運等三十六巢中有七層樓下有三妹洞猺寇侯大狗等盤踞劫掠峽岸有藤橫生過江日沉水底夜浮水面渡賊而南以通龍山八寨成化間韓襄毅公雍統兵勦之遂砍其藤夜而復生用穢物制之方斷遂服其黨易名斷藤峽隨遷武靖州於黃甲嶺下以守其處又立弩

桂平縣志卷肆

紀地 山川上

八

粵東編譯公司承印

碧二堡以鎮之後又不靖陳御史以魚鹽之利陷之稍稍受約束乃以斷藤峽為永通峽至嘉靖間諸猺又據險為亂王守仁合師征之賴以稍安 一統志

崑崙岡 即崑山縣西北七十里俗呼崑崙界屬崇姜里

碁盤山 縣西北七十里或名碁石山

屋厦山 縣西北一百十里萬歷以前畔猺出沒處 以上舊志

總兵山 在縣西北崇姜里西崑崙岡北

風洞山 在縣西北崇姜里西東與總兵山連

砂蓬嶺 在縣西北崇姜里總兵山北

馬鞍山 在縣西北崇姜里砂蓬嶺東

石人山 在縣西北崇姜里馬鞍山北

硃砂嶺 在縣西北崇姜里馬鞍山東以上舊志圖

羅綠山 即羅綠洞縣北百八十里屬崇姜里俗呼太平洞

有山名九重樓最峻峻一名九層樓明侯大狗作亂多居此

路通紫荆東鄉隘黃第嶺等處府志

都溫山 在縣西北百里崇姜里羅綠山南

雞髻山 在縣西北崇姜里中

狀元山 在縣西北崇姜里北

筆架山 在縣西北崇姜里狀元山東以上舊志圖

北方諸山

桂平縣志卷肆

紀地 山川上

九

粵東編譯公司承印

橫嶺 在府城北五里舊志云在桂平縣南九十里據明一

統志補夏府志

麒麟山 在縣北崇姜里有上麒麟下麒麟等村

圓嶺 在縣北崇姜宣二里界以上舊志圖

玉梳嶺 在縣北宣二里大帽頂之南

石鹿山 在縣北五十里九域志載潯州有石鹿山山上有

石如鹿舊志

大塘嶺 在縣北宣二里圓嶺之北上有塘一口深約七尺

廣十餘畝故名山形三十六曲綿亘百餘里明猺賊侯大狗

在山頂建築營寨設立行場有十字街買賣街之稱今遺址

爲山人種藍地

冊訪

觀音山 在縣北宣二里大塘山東北貌類觀音故名

冊訪

朋隘山 在縣北宣二里觀山東有路通武宣東鄉爲洪秀

全起事時卵覆之區

大帽頂 在縣北宣二里朋隘山東

鷄心嶺 在縣北宣二里大帽頂之南

赤峯嶺 在縣北宣二里羅旺鄉北高百餘丈上有古圮廟

一顏曰勅封故又名勅封嶺廟存爐鼎是明萬歷間物

冊訪

羅蛟山 在縣北宣二宣一里交界背負紫荆北與羅宜相

連下有羅蛟江

舊志

產藍與木薯

冊訪

桂平縣志卷肆

紀地 山川上

十

粵東編譯公司承印

羅宜山 又名羅嶷在縣北宣一里羅蛟山北有路通象州

界平南

冊訪

雙界山 在縣北紫荆山西羅淥洞北爲桂平武宣交界要

道昔年官兵與洪楊爭奪之所

據黃志

榜書

界當作髻因形似

故名城西北諸山脈由此發

補訪

馬占大嶺 在宣二里

舊志

紫荆山 在縣北宣二里之西北由縣治五十里至新墟由

新墟十里至山層巒疊障中包裹村庄田地周圍百有餘里

北連平南永安諸山西通象州武宣界無巖泉之靈秀有草

木之蒼莽乃當日猺獠聯絡之窩巢狼虎奔馳之徑路也其

形勢嶮阻詳見關隘舊志游客偶思流覽必循山口水澗南行

沿仄徑達於深谷谷上兩山均處瀑布下垂俗呼萬年油謂

水光潔澤無斷續也山產肉桂最良府志

附攷錄府志

紫荆山縣北七里金志

白山而北巖壑深廣為猿獠門戶一統志桂皮出此者佳李通志

高振嶺 在縣北百里明成化二年韓襄毅討大藤峽嘗登

此督戰舊志

牛排嶺 在縣北宣一里舊志

桂平縣志卷肆 紀地 山川上 一一 粵東編譯公司承印

五洞高山 在縣北宣一里西北界象州東北界平南綿亘

數十里咸豐元年八月十五夜洪秀全被圍食盡遂由此山

竄永安蓋其勢陡絕官兵不能追也劉卓人有五洞高山記

詳紀文舊志并新訪山上有寨即名高山寨補訪

鵬化山 在縣北八十里宣一里東北界平南

五指山 在縣北一百一十里鵬化山之北羅宜山之東五

峰羅列與平南閭石山相連為猿族部落所在邑紳黃榜書

潯州魏府志摘謬云北河之山由五指而猿山而羅疑即羅宜

而羅蛟而紫荆而雙界而平隘而大塘而羅潑而馬鹿此迤

西諸山也由平南鵬化之古帝頂而大均而白面厓而山門

而五洞高山而羅懷而第一籌而蓮花而百步頂而東平此
迤高諸山也此可括北方諸山大概舊志并補訪

東北諸山

賓山 縣東北十里蓋山以思陵為主則此其賓也北瞻五
指山秀出雲表故吳志縮以賓秀特朝爲八景之一山似螺
形碧樹蕭森澄泉甘冽日逢重九里人多於此登高壁間句
云古樹臨風猶引鶴重陽有酒復登樓覽勝之情古今一概
矣屬崇姜里本志舊

三鼎嶺 縣東北三十里志舊

水踏山 縣東北八十里志舊

桂平縣志卷肆

紀地 山川上

一一一

粵東編譯公司承印

鷄罩山 在崇姜里淥水冲旁上有巖匪徒每潛匿於此高
險與重九樓等訪冊

東方諸山

專福嶺 在縣東十里軍陵里覃放墟東南從平地突起不
與諸山連屬登嶺遠眺西北形勢歷歷目前上有三帝殿藥
王廟嶺之東南麓爲三窩塘長里許廣數十丈波光明媚與
嶺色相輝映舊志云有紫蘇石窰兩河映帶左右

竹翠嶺 在專福嶺東舊時竹光掩映翠色欲流故名上有
萬壽寺列聖宮屬軍陵里舊志無補訪

獨村嶺 在縣東軍陵里東北嶺下有紫蘇河自峽嶺流來

爲軍陵吉二里交界從舊志圖錄出

芙蓉嶺 在縣東二十五里在吉二里之西石咀墟左嶺峰

秀峙爲一方之冠登西山東望羣峰排列有頂銳如未開之

蓮即此嶺也本采訪冊舊志與府志皆失載

旺山 在縣東吉二里西

獅子嶺 在縣東吉二里西芙蓉嶺北

劉公嶺 在縣東吉二里西

石鼓嶺 在縣東吉二里魚梁河之東

魚梁嶺 在縣東吉二里石鼓嶺之南

金嶺 在縣東吉二里南

桂平縣志卷肆 紀地 山川上 一三 粵東編譯公司承印

馬嶺 在縣東吉二里南

石嶺 在縣東吉二里中新隆橋之東以上並見舊志圖

大勝嶺 在縣東四十五里吉一里東南上鄧村背嶺脉起

自白石山正幹蜿蜒北行一百里至吉一里穆樂墟西爲西

降山詳東山諸山左出大幹折北二十五里至馬皮墟北爲嶺之

南面高七十丈周圍八里有奇雄距獨立倚傍一空嶺質是

沙泥石片鐵礦累積而成岡脊綿合縱橫南北其巔有黑石

數堆高廣各數尺相傳有香爐自遠飛來里人以供神天旱

求雨多驗咸豐三年陳開據縣城時地方擾亂里人屢見神

前有白旗朝暮隨風招展卽之則杳後鄉土安全不遭匪擾

始悟神明呵護之力 訪冊

蝦嶺 俗名蝦公嶺又名石嶺在縣東吉一里馬皮墟北七里當清楞河下流石峯奇異為一方之隘有石二形似槍石鼓一扣之鏗然

水表山 舊志縣東五十里府志引方輿紀要云百三十里為東南之望與舊志言殊考舊志圖內不繪此山不知其屬何里遠近亦難考

山鼎嶺 縣東六十五里

雞棲山 縣東八十里又迤北十里為吉盤山魏府夏府省志皆同

桂平縣志卷肆

紀地 山川上

四

粵東編譯公司承印

菘豆嶺 在縣東吉大二里東南 見舊志圖

東南諸山

高嶺 在縣東南三十里屬軍陵里界下秀里

峽嶺 在縣東南三十里高嶺東屬軍陵里界下秀里

鵝蛋山 在縣東南四十里吉大一里馬皮墟東南蕉木冲

對面山脈亦起自白石山正幹蜿蜒北行里至穆樂墟西為西降山左出大幹折西二十里至馬皮之南為本山自此復分脈三支同折西北行遠者至吉二里魚梁嶺止山為沙泥卵石積成高七十七丈周圍五里有奇雙巒對峙形如雙卵俗人相傳自天鵝鵲卵於此故名 訪冊

魚梁嶺 在縣東吉二里魚梁河以此得名

筆架嶺 在縣東南四十里吉大一里馬皮墟南十里山脈

自白石起宛行百里至穆樂墟西降山復左出大幹折西二

十里至馬皮墟南為本嶺復從嶺三支散布附近遠者至橫

嶺止嶺質亦沙泥卵石積成高六十五丈周約五里三峰鼎

立如筆架然

訪冊

橫嶺 在縣東吉一里筆架嶺西

西降山 在縣東吉大一里俗名雷公嘴山自白石山發脈

曲折向東北至穆樂墟西為本山山勢橫列利峯特起左出

大幹西行為鵝蛋山與筆架大勝二嶺

里數詳前

本山上觀音

桂平縣志卷肆

紀地 山川上

一五

粵東編譯公司承印

巖深丈餘廣七丈餘石壁刻神像巖上瀑布湍飛溉田四頃

有餘當暑遊此炎態頓消

錄舊志兼致訪冊

抱嬰寨 在縣東南下秀里東北為下秀吉二里交界

探訪冊

登高山 在縣東南下秀里極東之北居抱嬰寨東為桂平

平南兩邑交界

介石山 在縣東南下秀里去下林村二里山質石雜沙土

樹木巖泉足供遊賞頂平中斷高未百丈而險甚可守咸豐

間陳開踞城鄉人多避亂於此寨壘遺址猶存堪輿者云山

形屬土星惜乎中斷前邑紳周溯賢倡議伐石運土補之捐

資無吝亦名山也

黃藤字 字卽均字之轉音在縣東南下秀里極東南盡處
外通平南福壽墟有石刻平桂界碑 冊訪

南方諸山

簇嶺 在縣南三十餘里軍陵里西南崔巍廣大周圍五十
里軍陵中秀下秀各里山脉多發源於此 舊志載

塔嶺 在縣南中秀里雙峯並峙狀如塔頗秀麗

白石山 在縣南七十里脉由大容山蜿蜒而來縣南上中
下秀軍陵吉大一二各里諸山脉多發源於此山之東爲獨
秀峯孤翠插天乾隆間知縣吳志綰詩云千尋起律帆中秀
此爲斷卓犖孤翠頂獨寫風和月中五姥峯排比森列西鵝

桂平縣志卷肆

紀地 山川上

一六

粵東編譯公司承印

頸峯殊嶮峻初由土阜取道至壽聖寺石坊巍然入重門歷
堦七級爲三寶殿殿後高閣殿前左右爲客廳僧厨精舍寺
後峭壁千仞上刻白石洞天四字爲明楊大節書寺右徑平
行五百餘步爲會眞觀石室寬廠有壇奉三清壇後石穴名
勾漏洞志稱通鬱林壇右有石如床俗謂石龜右大士龕龕
右半壁有乳竇水滴下白窠琤琤可聽楊大節有句云脉脉
源頭何處尋石中流出白鳴琴觀上有李仙巖無路可陟觀
東繞景明巖巖爲邑明經蔣奕綦所顏再繞里許爲獨秀峯
天門跌蕩由門窺山後洞略如盤谷周可十里田疇溪澗不
類人間此山之自北向東所見者也由壽聖寺角過元珠池

西行遇石縫外爲洞門村內爲一綫天吳志縮所謂巨靈掌
攀者也入凌百級有石門再百餘級稍低平爲白雲窩出循
山側北行攀削壁六十餘級折東造極有會仙巖高深各丈
許闢自雍正修於乾隆中奉佛外望溇梧鬱三郡名山一一
可指此山中復絕處也由壽聖寺左過洞門村西繞東望山
如城郭數里有石人附山立爲面壁僧又南去約六七里越
土嶺北經獅子嶺巖對鳳凰嶺披榛渡澗更東轉而北達獨
秀峰此自山之西而南而北之所得也山勢奇險中多名勝
如白雲洞青玉峽仙人棋伏龍窩鍊丹竈漱玉泉皆各擅其
妙遊者忘倦蠶叢鳥道一夫當關萬夫莫開其峻可恃亦可

桂平縣志卷肆

紀地 山川上

一七

粵東編譯公司承印

畏昔隋李光仕曾踞以作亂王世積爲行軍總管討平之

方輿

紀要作隋開皇十七年周法尚討桂州叛李
光仕敗之光仕走保白石洞尋潰走追斬之

明季黃毓奇

因寇亂移家居此亦藉以捍禦一方云諸紀志及碑刻皆以
白石爲二十一洞天不知杜光庭所載瓊秀長真之天乃在
和州也葛洪未至粵西而都嶠勾漏皆傳其跡未免附會但
宋宣和間館職常瓌謂趙子崧日夜夢帝勅公爲白石洞天
主者後子崧寓溇而歿則白石之爲洞天固有自來况巖府
奇奧光照南陲琪花瑞草生焉又豈不爲真仙所來往者歟
舊府縣各志咸以白石洞天爲八景之一明進士龍國祿與
徐宏祖皆有記宋運新有賦以及各詩家題詠不一詳紀文

附攷

錄府志

白石山縣南七十里自大容山發脉頓起雙峯高聳百餘丈又一小山名曰鵝頸峯半山中有會仙巖遊者攀藤躡蹠蹬而上約一里許至巖前多奇花瑞草有元珠江水自山嶺出四時不絕聲如環佩志金阿林縣有白石山色潔白四面懸絕上有飛泉瀑布志寰宇在潯州南六十里有洞曰白石洞天內有清真觀傍有壽聖寺可達勾漏洞天世傳葛仙翁往來其間勝方輿覽兩峯並列下有巖洞即道書第二十一洞天洞之上有會仙巖鍊丹竈八仙石明一統志會仙巖磴道險峻上平廣容數十人峯曰獨秀泉曰漱玉道書二十

桂平縣志卷肆

紀地 山川上

一八

粵東編譯公司承印

一洞天也

方輿紀要

洞通北流勾漏鍊丹竈八仙石俱在獨秀

峯側漱玉泉始流微細鳴鐘鼓則湧出道書第二十一洞天清真觀一名陽明觀內貯宋太宗御書名勝志第二十一

白石山洞周廻七十里名曰秀樂長春之天在鬱林州南海之南也又曰和州含山縣是白真人治之

粵西叢載引張君房雲笈

七籤

獨秀峯 詳前白石山

清風山 在縣南中秀里脉從白石山南洞口過窀窀鼓峯向東北趨聳爲此山中高頂平前後有小峯聯簇蓋白石之

輔佐也

新舊志兼采訪

雞冠山 在縣南白石山東屬下秀里方輿紀要云在府南
八十里峯巒昂聳 見舊志圖 並參府志

墨斗山 在縣南上秀里土山上產鉅石與白石山彷彿四
面懸崖各絕登臨之路咸豐亂時里人自山脈來處橫辟一
路鑿石壁以通之奇險可守山頂兩楹一高且銳一廣而平
可住百家中有小巖可坐八九人為避亂時廳事巖下有泉
流出儲之可供百家飲汲山麓上石下土有長巖巖內有屋
供佛像名寶觀寺巖外有水散流秋冬不涸名為水簾里中
雅人每於此避暑舊有僧徒今亡矣舊志云兩峯橫亘頂平
泉注下有斗星巖寶觀巖皆四時檐溜如雨猶未足以盡此

桂平縣志卷肆

紀地 山川上

一九

粵東編譯公司承印

山之勝

高英嶺 在縣南上秀里廣四五里東界中秀里

石狗嶺 在縣南上秀里廣六七里東南界下都里

鎖銅山 在縣南上秀里

君子嶺 在縣南上秀里 以上訪冊

南山 在縣南八十里又南八十里為橫嶺 舊志

寶子嶺 俗名石嶺在縣南九十里屬上秀里第榜福壽兩
村之中地面產寶石大者如指小者如箸體大稜而益明一
端大而銳一端迤邐漸小而禿舊志云縣南三十里大都里

浪家鋪誤 訪冊

附攷

寶子嶺縣南三十里出五色石如寶積然

名勝志

寶子嶺在府城南三十里山勢磊落如聚寶玉又寶子山

在府城南

一統志

寶子嶺縣南三十里一名布嶺在下都里浪家鋪產石子

大如指長一二寸六稜白潤如玉兩頭銳如棗核石有妊

子者什藏至明年即拆生

舊志

按訪員曹月田辨誤云一統志名勝志廣西通志桂平縣

舊志潯州府志俱謂寶子嶺在縣南三十里縣志又謂一

名布嶺在下都里浪家鋪既云下都里豈止三十里耶今

桂平縣志卷肆

紀地 山川上

二十一

粵東編譯公司承印

查下都里內無名浪家鋪者布嶺當是石嶺之訛又府志

物產門云寶子石產桂平蘇洞墟旁寶子嶺今石嶺即在

蘇洞墟旁為上秀里界內地其言可證各志之誤故采之

雲合嶺 居下都中都上秀三里交界上有白眉巖高聳而

秀雲合則兩旁有身石岡形如月覆高山上中穿一孔故名

一統志云縣南八十里

錄舊志參府志

南頓嶺 縣南一百二十里舊志云雲合嶺在南頓之西則

南頓當在雲合之東當屬秀一里

仙峯 一名銛鋒在縣南下都里北高數十丈上有名冷神

者鄉人競禱之

金珠嶺 在縣南九十里中都里都合村北雲合嶺東舊志云縣東五十里誤

雞銛山 在縣南中都里

龍曹山 縣南一百里中都里羅播村東

汎嶺 縣南一百里中都里石圭尋昌灣等村

高天山 縣南一百里中都里都合村南

高山 縣南一百里中都里羅播村西南以上訪冊

獅子嶺 縣南中都里東舊志

角子嶺 縣南秀一里東南舊志

平天山 在縣南秀一里東界容縣舊志

桂平縣志卷肆

紀地

山川上

二一

粵東編譯公司承印

大澤山 又名大澤嶺在縣南秀一里東北界秀二里舊志

黃嶺 在縣南秀一里中團堡之南舊志

上國山 在縣南秀一里

烏茶嶺 在縣南秀一里南嶺麓有茶隘

大澤嶺 在縣南秀二里

盤龍嶺 在縣南秀二里

大石寨嶺 在縣南秀二里以上四嶺皆產桂茶杉松以上訪冊

龍虎山 在縣南秀二里東界容縣舊志

大容山 縣南百九十九里在秀一秀二里之南是山撐天而起跨四州縣適當潯梧鬱三郡之會梧之容縣當東北隅

鬱之北流當東南隅潯之桂平當西北隅山足條支約百八
十里縣內東南諸山脈皆於此發源西北走五六十里中經
秀里之香爐嶺曲折而至中秀里之白石山過青峰而至簇
嶺軍陵中下秀三里諸嶺從此出復由白石山抽正幹脉東
北行至吉一里穆樂墟西降山復左出大幹西行分結鵝蛋
與筆架二嶺北行至吉二里爲大勝嶺故數縣東南諸山必
以大容山爲始祖山有六峯而四面相似入者迷出三郡諸
山亦以此爲最高上常出雲距地既遠故氣寒時有積雪山
人雖在六月袞不脫棉山質土內雜石各產不生惟宜藍桂
薯芋等物入山足界隨處籟號十日計六遇大風處憑客跌

桂平縣志卷肆

紀地 山川上

二二二

粵東編譯公司承印

坐扇背如摧搖人俯仰蹲不得穩澗水屈曲分爲九十九流
山東南通北流勾漏巖西北亦與白石山勾漏通兩爲洞天
作神仙窟前後招抗靈異環居

姚錄舊志并訪冊及
湘嵐大容山記

西南諸山

稜層山 一作峻嶒嶺縣西南二十五里路極險峻省志作

七十里

府志縣志同

羅叢山 縣西南六十里屬厚祿里其脉自鳳窠稜層蜿蜒
而來亘里許狀若覆舟平地突起叠巘窳鐘乳詭奇山有
巖上下四圍石壁羅列神像左風洞俗名一扇風右月巖秉
炬從洞門深入黑暗處忽見清光一點宛如月色各志所謂

羅叢巖月也洞凡三日碧虛曰靈源曰水月碧虛舊名風門
門前累石爲樓樓外路旁有碑乾隆知縣吳志綰題曰宋周
程三夫子讀書處西上有巖邑人景仰前賢立祠祀焉又西
爲水巖巖有水洞穴深濶龍潭廣可十畝澄碧淵洪洞內石
佛石磬石獅子石鐘石床在焉投以小石鏜軋有聲其鯉魚巖
水通鬱江游鱗多集雨時以鵝投水其水即長云宋梁穆有
碑宋陶董清黃琦咸有記陳良士有辨異詳紀文舊志并訪冊

附攷

錄府志

羅叢巖 在州西南六十里岳中明快可容二三百人遇
重九於此登高內有三教殿殿中則名曰碧虛洞由石穴

桂平縣志卷肆

紀地 山川上

二二三

粵東編譯公司承印

而入通行平坦其屈曲約半里餘出於巖之東洞內則有
石佛石磬石獅子石床石鐘殿西則名曰靈源洞由石穴
而入通行平坦其屈曲約一里許餘出於巖之西洞內則
有石羅漢石象石馬石魚石筍石鼓巖之外西則有水月
巖外則有超然亭實濤之勝輿地紀勝

帽嶺 縣西南七十里上秀里西於小坵垵中巋然高聳秀
奪一方附近村莊稱帽嶺七村登臨歷歷在日訪冊

風伯嶺

在縣南上都里

府志

鳳凰岡

在縣南上都里東南界鬱林

舊志

界牌

在縣南上都里南界鬱林

舊志

齊嶺 在縣南上都里西南

龍巖山 縣西南八十里貴縣東五十里在厚祿里土寨下
畚二村以貴桂分占之平竭墟為界平竭墟即今平地突起
形勢蜿蜒峭石峻嶒碧水周環上有七巖一曰龍安中有丹
竈一映日一蓋天然石窓也石磬一懸魚一蒼猿一聽法人
一飛虎一臥龍一皆石乳結成俗稱八景宋淳熙元年創建
寶勝院明貴縣令林朝鑰題石門曰古懷第一山乾隆間邑
人楊作棟等捐貲因巖之左修觀音堂建月門經營僧室中
列三清西奉三寶邑進士曹兆麒為之記詳紀文時知縣吳
志綰並題山之觀音岩曰布山龍岩而以龍安懸碧為八景

桂平縣志卷肆

紀地 山川上

二四

粵東編譯公司承印

之一按山屬桂平而林朝鑰題曰古懷第一山直以山屬貴
縣者以桂貴音同未攷疆域而誤方輿紀要亦沿其誤而未攷今攷此山
周圍池塘數百畝皆在厚祿里界內又證以吳志綰題額當
屬桂平無疑據舊志夏府志及訪冊參攷曹兆麒重修龍安寺記

附攷

錄府志

龍岩山貴縣東三十里上有七岩一岩最大有四門虛明

爽塏

方輿紀要

一名龍安岩在縣東五十里奇花怪石不可勝計唐宋俱

有石刻明知縣林朝鑰刻古懷第一山於石門

金通志

附石巖谷洞

雲臺石 在西山下小溪中一石突起其色如雲狀如臺可坐十數人石旁樹木森陰鳴鳥時聞清流涓涓遊人每携佳茗就煮焉譚熙齡有遊雲臺石記詳紀文志府鐘鼓自鳴石 見下篇清激

涿水湧石 亦名落水涌在崇姜里弩灘上其涌口近江有巨巖潭水長綠雖江濤浩漲而色不變巖水歷落如雨聲內有大傘小傘山外有鼓吹亭石鑼石鼓張公釣魚諸景壁間刻有永通峽三大字高百餘丈夏府志

按弩灘之上爲斷藤峽其峽石生出水際河南有石似鼓俗名其石曰石鼓河北有石似鑼俗名其石曰石鑼又溯

桂平縣志卷肆

紀地 山川上

二五

粵東編譯公司承印

流而上近河南水邊有石名釣魚翁亦以其石形狀相似也訪冊

姚翁巖 見西山

會仙巖 中有葛仙丹竈仙人棋舊志云梁觀培性好山水常棲息白石山因施穀六千四百觔觀培子毓璣勒碑記在巖內

飛墟巖 在雲合山之東半山上一名白眉巖深五六丈廣二十丈

螺巖 在雲合山之北麓深丈餘廣二三丈

白雲谷 在雲合山西麓地頗幽雅小巖內有天然石榻爲

里人黃炳焜所闢時偕雅人詩客於此納涼

斗星巖 在墨斗山南旁削壁間寶觀巖背上寬二丈許深三丈狀如側盃

鷓鴣巖 在縣東四十五里吉一里馬皮墟東南十里高三丈寬一丈深丈餘常有鷓子棲宿下有池約廣一丈長二丈深四尺池水澄鮮且甘有魚大至一二十觔者

水弔巖 在縣東四十五里吉一里馬皮墟東南十五里良有村左高丈餘廣三丈深四丈餘夏涼冬溫可容百人

朗繖石 在縣東四十五里吉一里馬皮墟東南十二里良有村北高五丈頂周五丈餘足周二丈餘上侈下斂形如朗

桂平縣志卷肆

紀地 山川上

二六

粵東編譯公司承印

繖故名

响屨坪 俗名石鼓坪在縣東四十五里吉一里馬皮墟東南十五里良有村背廣數十丈適當社坡穆樂往來路之中途行人過之丁冬作響殊覺可聽

仙洞根 在吉一里獅嶺南四圍堆石徧里許石有仙人脚跡深入數分長尺許一名神仙脚並有石鐘石鼓天然物擊之鏗然 以上俱訪冊

吏隱洞 詳西山

碧虛洞 詳羅叢山

靈源洞 詳羅叢山

水月洞

在羅叢山廠若廣厦中有龍潭據方輿紀要

府志

白雲洞

在白石山又名白雲窩高據山巔烟雲吐納清初

黃獻錦避亂於此築室栽花其上有白雲窩記詳紀文

府志
并節志

文記

桂平縣志卷肆

紀地 山川上

二七

粵東編譯公司承印